

جریدہ علیہ

مشیت جلیلہ اسلامیکہ جریدہ رسیمیدر

ربیع الاخر ۱۳۳۵

عدو: ۳۰

آیدہ بر نشر اولنور

اویخچی سنہ

فتوای شریفہ

تجهیز و تکفین

هند فوت اولوب زوجی زیدی و باباسی عمروی ترک ایتدکده زید آخر دیارده اولمغله
عمرو هندک تجهیز و تکفینه اذن قاضی یوغیکن کندی مالندن شوقدر اچقه صرف ایلسه
زید کلدکده عمرو مبلغ مزبورى زیددن المنه قادراولورمی الجواب : اولماز .

★ ★

زکات

هند زید فقیرک تجهیز و تکفینه زکات نیتیه شوقدر غروش صرف ایلسه هندمالئک
زکاتندن اولقدر غروش زکاتی ادا ایتمش اولورمی الجواب : اولماز .

★ ★

محرمات

زید زوجه موطوئسی هندك زوج آخردن اولان قزی زینبی تزوج ایتمك جائز
اولورمی الجواب : اولماز .

★
★ ★

رضاع

مرضعه اولان هند مدت رضاعده ممسنی زینبك اغزینه ادخال ایدوب لكن زینب
مص ایتماسه مجرد هند ممسنی اغزینه ادخال ایتمككه حكم رضاع ثابت اولوب زینب هندك
رضاعا قزی اولمش اولورمی الجواب : اولماز .

★
★ ★

زید رضاعا اوغلی عمروك نسباقزینداشی هندی تزوج ایتمك جائز اولورمی الجواب : اولور .

★
★ ★

زید نسباقزینداشی هندك رضاعا قزی زینبی تزوج ایتمك جائز اولورمی الجواب : اولماز .

★
★ ★

طلاق

زید زوجهسی هنده والدهك زینب منزله كلورسه سنی براغورم دیوب بعده زینب
زیدك منزله وارسه مجرد زید بویه دیمككه هند زیددن بوش اولورمی الجواب : اولماز .

★
★ ★

زید زوجه مدخول بهاسی هنده خطابا اکر زینب ایله کورشورسك شرط اولسون
بوش اول دیدکدنصکره ینه زید هنده خطابا اکر عمرو ایله کورشورسك شرط
اولسون بوش اول دیوب بعده هند زینب وعمر ایله کورشسه هند زیددن اوچ طلاق
بوش اولورمی الجواب : اولور .

★
★ ★

زید زوجہ سی ہندی مهر مؤجلندن و نفقہ عدتندن فراغت ایتمک اوزره طلاق
باین ایله تطلیق ایدوب هند دخی اولوجه اوزره طلاق قبول ایتدکدنصکره حالا هند
مهری ایله نفقہ عدتی زیددن طلب واخذہ قادره اولورمی الجواب : اولماز .

★
★ ★

مهر

مفلسا فوت اولان زیدک زوجہ سی هند زیدک باباسی عمروہ مجرد باباسی اولمککله زید
ذمتندہ اولان شوقدر اچہ مهرمی مالکدن باکہ ادا ایله دیو جبرہ قادره اولورمی
الجواب : اولماز

★
★ ★

زید ہندی شوقدر غروش مهر معجل وشوقدر غروش مهر مؤجل تسمیہ سیلہ تزوج ایدوب
بعده ویرمدین هند قبل الدخول فوت اولوب زیدی وسائر ورثہ سنی ترک ایتمککله سائر ورثہ مهر
معجل ومؤجلدن حصہ لرینی زیددن طلب ایتدکلرنده زید هند مجرد قبل الدخول فوت اولمقلہ
سزہ انجیق نصف لرندن حصہ ویررم دیوب تماما ویرمامکہ قادر اولورمی الجواب : اولماز .

★
★ ★

نفقہ

زیدک زوجہ مطلقہ سی هند زیدک اوزرینہ نفقہ تقدیر ایتدیرمدین عدتی منقضیہ اولسه
هند زیددن نفقہ عدت نامنہ نسہ آلفہ قادره اولورمی الجواب : اولماز .

★
★ ★

هند زوجی زیدک مسکن شرعی اولان منزلہ کتمکدن بغیر حق امتناع ایتدیکی مدتدہ
نفقہ یہ مستحقہ اولورمی الجواب : اولماز .

★
★ ★

زید اولاد صفاری بیلا نفقه بر اعوب آخر دیاره کیدوب خرجلق دخی کوندرمیوب
صفارک لاب خالری عمرو موسردن غیری کمسنه لری اولماسه عمرو زیده رجوع ایتک
اوزره صفاری انفاقه مجبور اولورمی الجواب : اولور .

★
★ ★

حضانه

هند زوج مطاقی زیددن اولان صغیره قزی زینک حق حضانه سندن حضور قاضیده
واز کچوب قاضی بونکله حکم ایتدنصکره نادمه اولسه هند زینی زیددن الوب استغنا
حاصل اولنجه به قدر امسا که قادره اولورمی الجواب : اولور

★
★ ★

اسلام صغیر

غیر مسلم اولان زیدک اوغلی اولوب عاقل اولان عمرو صغیر اسلامه کسه صحیح
اولورمی الجواب : اولور .

★
★ ★

ولاء عتاقه

باباسی حرا لاصل عجمی اولان زید فوت اولوب انحق اناسنی اعتاق ایدن هندی
ترك ایتدکده هند ترکه زیدی احرازه قادره اولورمی الجواب : اولور

★
★ ★

وقف

زید عمروک ملک باغچه سنی عمروک اذنسنز بر جهته وقف ایلسه عمرو وقفی مجیز
اولیوب باغچه بی ضبطه قادر اولورمی الجواب : اولور .

★
★ ★

بروقفك توليتى واقفك اصلح اولادينه مشروطه اولمغله حالا اولاد واقفدن موجود
اولان زید و عمرو صلاحده مساوی اولوب لیکن زید عمرودن سنا اکبر و امور وقفه اعلم
اولسه تولیت مزبوریه زید اولی اولورمی الجواب : اولور

*
* *

زید مفقودك اجاره معجله و مؤجله ایله تصرفده اولان وقف منزلك مؤجله سنی
زیدك وکیلی عمرو جانب وقفه ویررکن متولیسى بکر زید مفقودك حقیقه یا حکما موتی
ثابت اولمدين اول منزلی وقف ایچون ضبطه قادر اولورمی الجواب : اولماز

*
* *

بیع

زید شو قدر قهوه سنی شو قدر طغری التونه عمروه بیع و تسلیم ایتدکنصکره زید
اول طغری التونی عمرودن طلب ایتدکده عمرو ویرمیوب بغیر وجه التون مقابله سنده
شو قدر پاره آل دیمکه قادر اولورمی الجواب : اولماز .

*
* *

اقاله

زید ملک منزلی عمروه ثمن معلومه بیع و تسلیم ایتدکنصکره عمرو فوت اولدقده
زید ثمنی ترکدن آلمق استدکده ورثه زید ایله بیعی اقاله ایدوب منزلی زیده تسلیم
ایتدکنرندنصکره زید اقاله یه نادم اولوب ورثه یه منزلی رد و ثمنی عمروك ترک سندن المغه
قادر اولورمی الجواب : اولماز ؛

*
* *

اجاره

زید عمرو ایله علی الاشتراك اجار تین ایله متصرف اولدینی وقف منزلی عمروك اذنیله
بکره مدت معلومه تمامه دك شو قدر اچیه ایجار و تسلیم ایدوب بکر منزل مزبور
مدت مرقومه تمامه دك ضبط ایتدکن صکره زید اجر مسایي بکردن السه عمرواجر
مسمان حصه سنه اصابت ایدن مقداری زیددن المغه قادر اولورمی الجواب : اولور .

*
* *

اجرت

هند زینب صغیره بی و لیسې اذنیله اجرت قولنسز برمدت استخدام ایتمکله زینه اول مدته خدمتی مقابله سنده اجر مثله مساوی اثواب ایدیورسه حالا زینب بالغه اولدقه هنددن اجر مثل نامه سنه المغه قادره اولورمی الجواب : اولمور .

★
★ ★

زید حره اولان هند صغیره بی جاریه مدر دیو بر مدت استخدام ایدوب هند حریتی بعد الاثبات صغرنده ایتدیکی خدمتک اجر مثالی زیددن المغه قادره اولورمی الجواب : اولمور .

★
★ ★

ضمان

زید عمروک ملک باغنی برمدت تغلبا ضبط و محصولی اخذ و استهلاك ایلسه عمرو باغنی الدقه محصول مستهلکی زیده تضمینه قادر اولورمی الجواب : اولمور .

★
★ ★

هبه

زید صحتنده نامزدی هنده شوقدر اشیا هبه و تسلیم ایتدکنصکره زید فوت اولسه ورثه سی هبه بی طو تمامغه قادر اولورلرمی الجواب : اولمور .

★
★ ★

حظر

زید جاریه سی هندک اناسی زینبی وطی ایلسه هندک وطئی زیده حرام اولورمی الجواب : اولمور .

★
★ ★

دعوى

زيد عمرو مفقودك مالى حفظه قيم نصب اولئان بکردن عمروك ذمتده شو قدر
هشوش حقم وارد رد بود دعوى و اثبات ايدوب عمروك مالندن المغه قادر اولور مى الجواب: اولئان.

★ ★

قسمت

زيد جميع مالى صحتده بين الورثه تقسيم ايدوب اللرينه تسليم ايتد كد نصكره مريض
اولوب فوت اولسه ايجلرندن عمرو تكرار قسمت ايتدرمكه قادر اولور مى الجواب : اولئان.

سركه ميرى كاظم

قوا خانہ عالی مقرراتی

مشروطه خانه عرصه سنده مشروط لهك نفسيچون منزل انشا ايتديكنده بنا حقنده اولنه جق
معامله حقنده [*]

سكناسى مشروط و خراب اولان وقف منزل عرصه سنده مشروط له اولان كمسه
[*] بوبابده مالىه نظارت جليله سنك تذكره سى :

اماسيه نك صوفى زاده محله سنده كاش اولوب تعامل قديمى وجهله مدينه منوره ده درسعام
اولانلره مشروط اولان خانه نك مشرف خراب اولسنه ويكيدين انشاسنه وقفنك غير مساعد بولمسنه
مبنى مذكور عرصه اوزرينه محلى درسعام لرندن مصطفى افندى طرفندن كندى مالندن نفسيچون
الشا اولئان بر باب خانه نك زميننده مشروطيت و بنا سنده ملكيت وجه ايله تصرفي متضمن اماسيه
مهمكه شرعيه سندن اعطا قلئان بحت صورتنك لفيله اولنه جق معامله دفتر خاقانى مأموريتندن استفسار
قلنمشدر . سكناسى علمايه مشروط بر وقف منزلنده ساكن اولان ذاتك كندى مالىله نفسيچون
انشا وعلاوه ايلديكى بناده كندوسنك مادام الحياه ساكن اوله بيله چكى دركار ايسه ده وفاتى وقوعنده